


TEZAU LITURGIC

23 OCTOMBRIE

**ACATISTUL
SF.APOSTOL
IACOB
AL
IERUSALIMULUI
I**



MOSCOVA, 2000



Акафист

свѣтому апостолу Иакову, брату Господню по плоти

Кондак 1

Апостолу Христову, иерарху преславному, столпу
необориму Церкви Христовой и мученику,
Иакову премудрому, брату Божию блаженному
похвальная воспоем, яко ходатаю и скорому
помощнику нашему. Ты же, предстояй престолу
Пресвятыя Троицы, не престай молиться о нас и
твоими молитвами сохраняй нас от всяких бед и
зол, верую празднующих память твою и
зовущих:

Радуйся, Иакове, первый иерарше Церкви
Иерусалимстей и славный священномучениче.

Икос 1

Ангелов Творец и всея твари Содетель, яви тя,
Иакове, яко звезду многосветлую, возсиявшую
на тверди Церковней, тьму лжеверия
прогоняющей, подвигом света мир
просвещающую. Мы же, прибегающе к

заступленію твоєму, сицевая радостно тебе приносим:

Радуйся, яко Богом избран для объявленія тайн спасенія;

Радуйся, яко по плоти Господень брат показался еси, ученик и самовидец неизреченных тайн Его;

Радуйся, славо Церкви Вселенския;

Радуйся, яко без страха и велегласно словеса Божии среди ярых иудеев людям приносивший;

Радуйся, церкви истинный управителю;

Радуйся, богомудрый учителю непостижимых тайн Божиих;

Радуйся, иерарше Иерусалима дольняго, ныне пребывающий во Иерусалиме горнем;

Радуйся, яко жертву чисту принёс еси Царю и Творцу, егоже пред мучители исповедал, священномучениче;

Радуйся, Иакове, первый иерарше церкви Иерусалимстей и славный священномучениче.

Кондак 2

Издальче прозря твоё жителство, отче Иакове, брата тя прия Христос Человеколюбец, яко

ста́рший сын в семе́йстве пра́веднаго Ио́сифа Обру́чника бы́л еси́. С ма́лых ле́т, я́ко назо́рей, Бо́гу посвяще́н бы́л, име́я жи́знь возде́ржну́ю. Нра́вов твои́х бла́гостию и ума́ чистото́ю, Христо́в показа́лся еси́ учени́к и́скренний, сподо́бился у престо́ла Влады́ки ве́чно воспева́ти: Аллилу́иа.

И́кос 2

Егда́ же, И́род ца́рь, иска́ Отроча́ Иису́са, дабы́ погуби́ти Его́, се́ А́нгел Госпо́день во снѣ яви́ся Ио́сифу глаго́ля: «Восста́в, поими́ Отроча́ и Ма́терь Его́ и бежи́ во Еги́пет». Ты́ же, Иа́кове, я́ко сро́дник по плóти Иису́сов бы́л еси́, пребыва́л со Ио́сифом и Ма́терию Его́, бе́гаяй с ними́ во Еги́пет. Я́ко дру́г Христо́в бли́жнейший от младе́нства, приими́ от нас, Иа́кове, усер́дныя похва́лы:

Ра́дуйся, я́ко сын бы́л ходя́щих по пу́ти Госпо́дню;

Ра́дуйся, я́ко лице́м к лицу́ Бо́га чрез Христа́ узре́л еси́;

Ра́дуйся, я́ко благода́ть мно́гу прия́л еси́ от Христа́;

Ра́дуйся, я́ко Христо́вым светолі́тием просвеще́н еси́;

Ра́дуйся, я́ко нача́лопа́стыря Христа́ бра́т бы́л еси́ и прие́мник во апо́столах;

Ра́дуйся, я́ко сугу́бы по́чести от Христа́ сподо́бился;

Ра́дуйся, я́ко Христо́м Небе́снаго Отца́ обрeты́й;

Ра́дуйся, я́ко и ны́не зри́ши Христа́ во свeте неизрече́нном;

Ра́дуйся, Иа́кове, пе́рвый иера́рше Це́ркви Иерусали́мстей и сла́вный свяще́нному́чениче.

Конда́к 3

По вознесе́нии же, Спаси́теля, ли́к апо́стольский, не состязавши́сь о сла́ве, избра́ тя Иа́кове Пра́ведный, свяще́нноде́йствовати Христу́ в Сио́не святе́м. Особо́ яви́ся ти́, Госпо́дь по посвяще́нии тебе́ на престо́л це́ркви Иерусали́мстей, показу́я те́м благоволе́ние Своё к тебе́. Мы́ же дивля́шеся тако́му о тебе́ Бо́жию благоволе́нию, поём Вседержи́телю: Аллилу́иа.

И́кос 3

Служе́ние апо́стольское тру́дное, прия́л еси́ посреде́ са́мых кова́рных и я́рых враго́в ве́ры христиа́нския. Три́десять ле́т неуста́нно провеща́л и утвержда́л еси́ ве́ру спаси́тельную во

граде Святѣм и землѣ Палестинстей. Тѣмже, благодарѣ Творца и Спаса нашего, славословим тѣ великаго избранника Божия:

Радуйся, яко Иерусалим на проповѣдывание Слова Божия, Промыслом Господним указался тебѣ;

Радуйся, яко велику власть от Бога приял еси;

Радуйся, благовѣстниче Агнца Божия, вземающаго грехи мира;

Радуйся, крестяй народ иудейский во имя Отца, и Сына, и Святаго Духа;

Радуйся, пастырю добрый и учителю свѣтлый, яко тобою Бог украси церковь свою;

Радуйся, кладезе из него же воды живої напоѣмся;

Радуйся, яко приѣмши крест апостольский неустоимо стопам Спасителевым последовал еси;

Радуйся, яко Божественнаго Духа светозарѣнием, тмѣ лжеверия разрушал и верных сердца просвещал еси;

Радуйся, Иакове, первый иерарше Церкви Иерусалимстей и славный священномучениче.

Конда́к 4

Мно́го наро́да иуде́йскаго к Це́ркви Христо́вой
обрати́л еси́, о́тче пра́ведный, по вели́кому
дове́рию к сло́ву твоemú. Пра́ведным жити́ем
свои́м, обрета́л еси́ люboвь и почита́ние и иудеев
необраще́нных. Сего́ ра́ди восхваля́юще
неуста́нные труды́ твоя́, усер́дно зове́м Бо́гу:
Аллилу́иа.

И́кос 4

Не взира́я на ненави́сть к христиа́ном
синедриoна и первосвяще́нников иуде́йских,
оклеветава́ющих христиа́н, я́ко враго́в зако́на
Моисе́ова, ты́ о́тче Иа́кове, мудроде́юще
свидете́льствовал: обраща́ющийся к ве́ре
Христо́вой – не отпа́дает от и́стинной ве́ры
оте́честей. Мы́ же, ви́дя премно́гую твою́
доброде́тель, па́стыря неутомима́го Це́ркви
Христо́вой, благода́рно зове́м ти́:

Ра́дуйся, я́ко жити́ем твои́м пра́ведным
злосла́вные враги́ укроти́ и посрами́;

Ра́дуйся, я́ко пути́ вся́ вра́жия стесня́еши
широ́тою Боже́ственного ра́зума;

Ра́дуйся, я́ко благода́тию, излива́ющейсѧ от
у́ст твои́х, науча́л о́вцы словес́ныя ве́ровати в
Тро́ицу Единосущную;

Ра́дуйся, сто́лпе благо́чества непоколебимый
и стена́ Цѣркви необо́римая;

Ра́дуйся, я́ко возсия́л еси́ су́щим во тьме́
неразу́мия, все́х созыва́юще к высоте́
благо́чества;

Ра́дуйся, я́ко собра́в пропове́данием вы́сокаго
жити́я твоего́, ста́до твоё, си́е от волко́в лю́тых
изба́вил еси́;

Ра́дуйся, я́ко Бра́т Бо́жий, Сы́на Бо́га
Вы́шняго до́блественне испове́дал на земли́;

Ра́дуйся, я́ко му́дростию обложѣн, благода́тию
озаре́н, ми́рною красо́тою укра́шен, апо́столе
свя́те.

Ра́дуйся, Иа́кове, пе́рвый иерар́ше цѣркви
Иерусали́мстей и сла́вный священному́чениче.

Конда́к 5

Служе́ние иерар́ше в Цѣркви Иерусали́мстей
соверша́л еси́ с ве́лиим благо́разу́мием, воздава́я
до́лжное и и́стинней ве́ре отце́в. Ревни́тели же
зако́на ветхозаве́тнаго, ви́деша в тебе́, о́тче
Иа́кове, я́ко о́браз первосвященника
израи́льскаго. Мы́ же, дарова́вшему тебе́
прему́дрость ве́лию, Бо́гу немóлчно воспе́ваем:
Аллилу́иа.

И́кос 5

Прово́дя пу́ть сво́й земны́й свя́то от чре́ва ма́тери свое́я, сподо́бился входи́ти во Свята́я хра́ма Иеру́сали́мскаго. Усе́рдно моли́лся еси́ об отпу́щении грехо́в наро́да. Ожесте́ли ко́лени твои́, о́тче Иа́кове, от беспреста́нных прекло́нений в моли́твах. Сего́ ра́ди и мы́ восхваля́ем тя́ по досто́янию, я́ко моли́твенника на́шего пред Бо́гом:

Ра́дуйся, я́ко жити́ем твои́м добродете́льным, лю́ди сво́я просвеща́л, я́ко светоза́рное со́лнце;

Ра́дуйся, я́ко де́я учи́л презира́ти пло́ть, прилежа́ти же ду́ше безсме́ртней;

Ра́дуйся, де́латель вертогра́да Христо́ва усе́рдный;

Ра́дуйся, я́ко Божество́ннаго Ду́ха благода́ть прие́м, попали́л еси́ тьму́ лжеве́рия;

Ра́дуйся, я́ко пло́ть ду́ху соверше́нно порабо́тивый;

Ра́дуйся, моли́твенниче к Бо́гу неуста́нный;

Ра́дуйся, я́ко сою́зом любви́ спря́г ста́до твоё;

Ра́дуйся, я́ко благода́ти испо́лнен, све́т ми́ра и со́ль вселе́нныя бы́л еси́;

Ра́дуйся, Иа́кове, пе́рвый иера́рше Це́ркви
Иеру́сали́мстей и сла́вный свяще́нному́чениче.

Конда́к 6

Ду́хом Святы́м просвеща́ем бы́л еси́, о́тче
Иа́кове, егда́ чи́н Божество́нныя литургии́ му́дре
устро́ил еси́. Уподо́бился се́ятелю́ до́браго
се́мени, стокра́тный пло́д принося́щаго. И ны́не
с небе́с на ны́ ми́лостиво призира́еши и
преизоби́льно все́м на́м благода́ть пода́еши от
ще́драго Христа́ Бо́га, ему́ же со а́нгелы в
небесе́х поёши: Аллилу́иа.

И́кос 6

Служе́нию Божество́нныя литургии́ от Сама́го
Христа́ науче́н бы́л еси́. Зако́н жи́зни Це́ркви
Христо́вой положи́л еси́, о́тче Иа́кове,
жизнода́тельным ду́хом законополага́я и веща́я
неизрече́нныя та́йны Бо́жии. Па́ству свою́
та́инства церко́вными освяща́я и та́йнам ве́ры
уча́. Мы́ же тебе́, Тро́ицы Святы́я ве́рному
служи́телю воспева́ем такова́я:

Ра́дуйся, чи́на церко́внаго благоукра́сителю;

Ра́дуйся, я́ко ми́р просвети́л, блаже́нне,
уче́ньми твои́ми.

Ра́дуйся, я́ко Ду́хом Святы́м чрез тебе́ свѣтъ
Богопозн́анія излия́шася в ми́ръ;

Ра́дуйся, я́ко чрез тебе́ начертаны́ тайны́ не́ба
и земли́;

Ра́дуйся, я́ко в тайны́ Бо́жии ду́хом
вознесы́йся;

Ра́дуйся, я́ко Божѣ́ственными́ заря́ми
проповѣ́данія твоего́, возсия́л сидя́щим во тьме́
прѣлести, свѣтъ благода́тный;

Ра́дуйся, я́ко умо́м чи́стым и святы́ми уста́ми
Богодохнове́нне спасе́ние все́м ве́рным
предложи́л еси́;

Ра́дуйся, я́ко Бо́г Сло́во богáтно просвети́ тя
блиста́нии Божѣ́ственныхя́ благода́ти;

Ра́дуйся, Иа́кове, пе́рвый иерар́ше цѣ́ркви
Иерусали́мстей и сла́вный священномучени́че.

Конда́к 7

Бы́вша посреде́ благовеству́ющих наро́дом
язы́ческим сло́во Христо́во, ра́спря и состязáние
о за́конѣ Моисе́ове. Собы́тъ сего́ ра́ди
собо́р апосто́льский во гра́де Иерусали́ме, под
предста́тельством твои́м, о́тче Иа́кове. Сло́во
твое́ весо́мое о спасе́нии ду́шъ в Цѣ́ркви
христиа́нской, не сохра́няя весь о́бряд за́кона

Моисе́ова, собо́р единоду́шно прия́л еси́ и чрез апо́столов це́рквам возвести́л еси́. Мы́ же ублажа́ем тя́, научи́вшу́ я́ко пра́во разумéти учéние Христо́во и пéти Тому́: Аллилу́иа.

И́кос 7

Му́дре вразумля́л, о́тче Иа́кове, на собо́ре о сконча́нии вре́мени Завета́ Ве́тхаго и па́ки о Прóмысле Бо́жием о обра́щении и спасéнии наро́дов язы́ческих. Предста́тельством же на собо́ре апо́стольском се́м, иерáрха це́ркви Иерусали́мстей – ма́тери Церкве́й, низлага́ется е́ресь лати́нских па́п о Богоустано́вленности пéрвенства престо́ла Ри́мскаго. Мы́ же, я́ко вели́кому во иерáрсах Христо́вых, вызы́ваем ти́:

Ра́дуйся, истолковáтель во́ли Бо́жией, ему́ же без ро́пота покори́лась вся́ це́рковь иудеев-христиа́н;

Ра́дуйся, я́ко навча́еши о спасéнии благода́тию Христо́вой не то́лько иудеев, но и язы́чников;

Ра́дуйся, я́ко свидéтельствуеши о согла́сии сло́ва Христо́ва с учéнием проро́ков и предáний оте́ческих;

Ра́дуйся, я́ко се́дящим во тьме́, зако́ны
спаси́тельныя предлага́л и к све́ту благове́рия
приводи́л;

Ра́дуйся, разу́много све́та заре́, церко́вное
свети́ло, святи́тельская красото́;

Ра́дуйся, глубо́кий кла́дезе и́стинного
Богове́дения;

Ра́дуйся, я́ко ре́ки источа́еши Богоглаго́ливаго
твоего́ чре́ва;

Ра́дуйся, я́ко премудро́сти ча́ша яви́лся еси́,
добродете́ли испо́лненна;

Ра́дуйся, Иа́кове, пе́рвый иерар́ше це́ркви
Иерусали́мстей и сла́вный священномучени́че.

Конда́к 8

Яви́лся еси́ ты́, о́тче Иа́кове, я́ко му́дрый
христиа́нин, миротво́рец и исто́лковате́ль
Зако́на и Исти́ны в сло́ве – посла́нии «ко
двуна́десяти ко́леном в рассу́пании», ко́и
пребыва́ли в нема́лом бро́жении и недоуме́нии о
уче́нии Христо́вом. Просвеща́л еси́ и вразумля́л,
я́ко во́ля Бо́жия е́сть во́ля Бо́га Изра́илева, Бо́га
Авраа́ма, Исаа́ка, Иа́кова. Те́м же и нас научи́
пе́ти от всего́ се́рдца Творцу́ и Зижди́телю:
Аллилу́иа.

И́кос 8

Про́поведь же апо́стольская доно́силась и к
су́щим далéче от гра́да Свята́го ко́леном
изра́иловым. Сму́щение бы́сть у пра́ведных
иудеев: явлéние Христо́во – ча́яние наро́да
Бо́жия или́ низложéние зако́на Моисе́ова.
Вои́стину Богоразу́мно окормля́л ты́, о́тче
Иа́кове, Це́рковь Иерусали́мскую, не оставля́я
обря́да Моисе́ова – укрепля́л обраща́нных в
благодáти Христо́вой. Ре́кл ты́ Па́влу апо́столу:
«Ско́лько ты́сящ увéровавших иудеев, и все́
ревни́тели Зако́на су́ть». Мы́ же восхваля́ем тя́,
го́рнюю премудро́сть стяжавша́го:

Ра́дуйся, я́ко сло́вом Богоразу́мня люди́ от
невéдения избавля́л и ко Христу́ приводи́л еси́;

Ра́дуйся, я́ко Божéственный разу́м стяжа́л
еси́;

Ра́дуйся, я́ко труды́ свои́ми к водé
спаси́тельной о́вцы словéсныя приводи́л еси́;

Ра́дуйся, я́ко пра́ведно даде́ся ти́ жре́бий
па́стырскаго о душа́х попечéния;

Ра́дуйся, я́ко притяжа́л еси́ па́ствы сердца́ и
любве́ к тебе́ исполненная́;

Ра́дуйся, я́коже со́лнца зар́я возсия́л еси́ ми́ру
уче́нии твои́ми, Богогла́се;

Ра́дуйся, иску́сный лови́тель ду́ш людски́х;

Ра́дуйся, Боже́ственной благода́ти свети́ло;

Ра́дуйся, Иа́кове, пе́рвый иерар́ше це́ркви
Иеру́сали́мстей и сла́вный свяще́нному́чениче!

Конда́к 9

Вети́я многовеща́нныя не сме́ют витийствовати
о тво́ей, о́тче Иа́кове, му́дрости. Егда́ же
ропта́ние бы́сть у иудеев-новообраще́нных о
уче́нии Христо́вом, слы́шавше, я́ко спаса́ется
челове́к то́кмо ве́рою, полага́вше ло́жно, я́ко в
уго́ду «язы́ком» обраща́емым, упраздня́лись дела́
зако́на Моисе́ова. Тогда́ ты, о́тче Иа́кове, в
посла́нии тво́ем вразумля́еши, я́ко не в еди́ном
кни́жном науче́нии и вне́шнем испове́дании е́сть
ве́ра спаси́тельная, а в ве́ре поспешеству́емой
любо́вию и дела́ми во и́мя Христо́во. Ему́ же,
милосе́рдному Человеколю́бцу непреста́нно
взыва́ем: Аллилу́иа.

И́кос 9

Ве́дал ты, о́тче Иа́кове, ка́ко поврежде́на бы́сть
же́ртвенная ве́ра Авраа́мля, в ве́ру лицеме́рную
и ме́ртвую вожде́й иуде́йских. Ве́рно облича́еши

«учителей мудрости» и наставляеши народ в вере христианской – терпеливей во испытаниях, уповающей на Бога, несущей тягости во смирении. Мы же, тебе яко Богомудрому наставнику, благодарно воспеваем:

Радуйся, яко возвещаеши: тело без духа мертво есть, тако и вера без дел мертва есть;

Радуйся, яко научаеши: радость имейте, егда во искушения впадаете различна;

Радуйся, яко просвещаеши: блажен муж иже претерпит искушения, зане примет венец жизни;

Радуйся, яко глаголеши: искушения ваша веры соделывает терпение;

Радуйся, яко умудряеши: ведущему убо добро творити, и не творящему грех есть;

Радуйся, яко вразумляеши: любы мира сего – вражда Богу есть;

Радуйся, яко призываеши: молитесь друг за друга, много бо может молитва праведнаго поспешествуема;

Радуйся, яко взываеши: обративый грешника от заблуждения пути его, спасает душу от смерти.

Ра́дуйся, Иа́кове, пе́рвый ие́ра́рше Це́ркви
Ие́русали́мстей и сла́вный свяще́нному́чениче!

Конда́к 10

Укре́плял еси́, о́тче Иа́кове, обра́щенных в ве́ре и
к страда́нием предуготовля́л предсто́ящим.
Призыва́л к и́стинному еди́нию с проро́ками,
терпе́нию и упова́нию моли́твенному на Бо́га,
все́х и вся Соде́ржа́щему в десни́це Сво́ей. И
на́с, недостойных, сподо́би моли́твами твои́ми,
разу́мно пе́ти Бо́гу: Аллилу́иа.

И́кос 10

Та́ко науча́л еси́, лю́ди твоя́, ве́ре Христо́вой,
спаси́тельной: «Ве́ра бо чи́ста и нескве́рна пред
Бо́гом е́сть, е́же посеща́ти си́рых и вдови́ц в
ско́рбех их и нескве́рна блюсти́ себе́ от ми́ра» и
еще́ «Ми́лость е́сть жи́знь души́». Мы́ же, о́тче
Иа́кове, тебе́ моля́щемуся о обновле́нии
окамене́нных и изсо́хших серде́ц на́ших
неуста́нно взыва́ем:

Ра́дуйся, я́ко рече́ши: су́д без ми́лости не
сотво́ршему ми́лости.

Ра́дуйся, я́ко вразумля́еши: гне́в бо му́жа,
пра́вды Бо́жия не соде́лывает.

Ра́дуйся, я́ко просвеща́еши: пло́д пра́вды в ми́ре се́ется творя́щими ми́р.

Ра́дуйся, я́ко глаго́леши: Госпо́дь го́рдым проти́вится, а смире́нным дае́т благода́ть.

Ра́дуйся, я́ко вызы́аеши: смири́тесь пред Го́сподем и вознесёт вы́.

Ра́дуйся, путево́дителя́ на́ш на небеси́.

Ра́дуйся, сло́ва Бо́жия нело́жный исто́лкователя́.

Ра́дуйся, на́с на по́двиг де́ятельные любви́ подвига́ющий.

Ра́дуйся, Иа́кове, пе́рвый иера́рше Це́ркви Иеру́сали́мстей и сла́вный свяще́нному́чениче!

Конда́к 11

Отпа́вшие от благода́ти вожди́ иуде́йския, ви́деша, я́ко мно́жество муже́й и же́н к Це́ркви Христо́вой прила́гаются, дове́рия ра́ди апо́стола всесла́внаго. Зломы́слили, лжеучи́тели, ко́нec положи́ти сему́. Нестерпи́м бо бы́л синедрио́ну пра́ведник и́стинный, служа́щий Го́споду беспоро́чно. На́с же, о́тче Иа́кове, благослови́, укрепи́ и наста́ви возра́стати в ве́ре спаси́тельной, пою́ще Бо́гу: Аллилу́иа.

И́кос 11

Во днѣх прѣздно́ванія Пѣ́схи, собра́шася всѣ́ колѣ́на иудѣ́йскія и мно́жество язы́чников во гра́д Иеру́сали́мскій. Ты́ же, о́тче Иа́кове, неуста́нно проповѣ́дывал глаго́лы жи́зни вѣ́чныя. Ве́давшѣ об отъѣ́здѣ, во днѣх сѣх, проку́рора Фѣ́ста, нача́льницы иудѣ́йскія сове́тъ положи́ша уби́ти тя, па́стыря гра́да Свята́го. Мы́ же тебѣ́, я́ко му́жественну во́ину Христо́ву усер́дно вопи́ем:

Ра́дуйся, я́ко и́стину Христо́ву пред вожди́ небоя́зненно веща́вый.

Ра́дуйся, правосла́вія свети́ло.

Ра́дуйся, пра́вил церко́вных нелицепри́ятный блюсти́телю.

Ра́дуйся, я́ко тобо́ю Це́рковь Христо́ва дивно красу́ется.

Ра́дуйся, я́ко Богому́дрыми учё́ными умы́ вѣ́рных к небеси́ возво́диши.

Ра́дуйся, я́ко крѣ́постию про́поведи зиму́ прѣ́лести разруши́л еси́.

Ра́дуйся, всему́дрый лóвче, святы́й иерар́ше и проповѣ́дниче.

Ра́дуйся, я́ко лу́ч Со́лнца Пра́вды испусти́ тя Христо́с, просвети́вшаго всю́ зе́млю.

Ра́дуйся, Иа́кове, пе́рвый иера́рше Це́ркви Иеру́сали́мстей и сла́вный свяще́нному́чениче!

Конда́к 12

Первосвяще́нник, же иуде́йский, саддуке́й Ана́н, повеле́л пред хра́мом Иеру́сали́мским созва́ти собра́ние наро́да вели́кое. Ле́стиею же, о́тче Иа́кове, за́влеще́н бы́л еси́ на криле́ храма Свята́го, гдѣ нечестивы́ми вопроше́н бы́л пред собо́ром людски́м: «Ре́ки на́м о Ра́спятом». Ты́ же, си́лою, от Бо́га тебе́ дарова́нною обле́кся еси́, гото́вый муче́ния вся́кия претерпе́ти Христа́ ра́ди. Мы́ же, Бо́гу, в му́ченичестем по́двизе тебя́ укрепив́шем гла́сом ве́лиим воспева́ем: Аллилу́иа.

И́кос 12

Исполни́вся же, Ду́ха Свята́го, ты́ о́тче Богоно́сче, изре́к пред наро́дом: «О́н се́дит на небесе́х, одесну́ю Си́лы Всевы́шней и гряде́т на о́блацех небе́сных». Слы́шавше сия́ нечестивии, скрежета́ху зубы́ свои́ми и единоду́шно устреми́лись на́нь. Низве́ржен бы́л до́лу апо́столе свя́те, с криле́ храма Свята́го. Воста́в же на коле́на, Творцу́ моли́лся о поми́ловании

убивающих тя. Ка́мением до сме́рти побива́емъ
бы́л при стене́ хра́ма Свята́го. Та́м же па́ствою
твоёю погребён бы́сть. Мы́ же, ти́, предста́вшу
пред престо́лом Святы́я Тро́ицы ра́достно зове́м:

Ра́дуйся, я́ко от иуде́й свёржен бы́л, небе́сных
черто́гов сподо́бился еси́.

Ра́дуйся, я́ко подража́тель стра́сти Госпо́дней
бы́л убива́емъ.

Ра́дуйся, го́рняго Иерусали́ма апо́стольское
основа́ние.

Ра́дуйся, я́ко же́ртву чи́сту принёсл еси́ Царю́
и Творцу́.

Ра́дуйся, я́ко в Це́рковь Небе́сную свяще́нно
вше́л еси́, облива́емъ, блаже́нне, кро́вию.

Ра́дуйся, я́ко тя засту́пника кре́пкого пред
Бо́гом имее́м.

Ра́дуйся, я́ко престо́лу Святы́я Тро́ицы
предсто́иши венце́носче пра́ведный, нетле́нных
наслажда́ешься че́стей.

Ра́дуйся, свяще́нномучени́че непобе́димый,
иера́рше прехва́льный и свети́льниче
всеми́рный.

Ра́дуйся, Иа́кове, пе́рвый иера́рше Це́ркви
Иерусали́мстей и сла́вный свяще́нномучени́че!

Конда́к 13

О, пресла́вный апо́столе Иа́кове, бра́те Госпо́день, Це́ркви Христо́вой свети́льниче многосве́тлый. Приими́ от благоговейных серде́ц с любо́вию приноси́мое хвале́ние тебе́. Испроси́ на́м у Христа́ Бо́га утвержде́ние в ве́ре, оставле́ние прегреше́ний и избавле́ния от ве́чнаго осужде́ния и да удосто́имся в Небе́сном Ца́рствии, купно́ с тобо́ю, во ве́ки пе́ти Бо́гу: Аллилу́иа.

Этот конда́к читается трижды, затем и́кос 1-й и конда́к 1-й.

Моли́тва

О, вели́кий уго́днике Бо́жий, богоизбра́нный и богопросла́вленный апо́столе Иа́кове, бра́те Госпо́день! Ты еси́ вели́кий архиере́й гра́да Свята́го, те́плый на́ш засту́пниче и ходата́й, предстоя́щий Престо́лу Пресвяты́я Тро́ицы. Не отри́ни на́с от твоего́ заступле́ния, но воздвигни на́с низве́рженных мно́гими грехи́. Яко́ священномученик, имейя́ вла́сть реша́ти и вяза́ти, разреши́ зол на́ших соу́зы и любви́ Бо́жией причти́ на́с и Ца́рствия Небе́снаго прича́стники, блаже́нне соде́лай моли́твами твои́ми. Моли́ Христа́ Спа́са, да сподо́бит

непреткновѣнно совершати наше земное странствие, да вечныя и блаженныя жизни на небеси сподобимся и тамо, с тобою вкупе, выну восхваляти Троицу Нераздельную, воспеvати Единое Божество Отца, и Сына, и Духа Всесвятаго, во веки веков. Аминь.

